

嘉靖夏津縣志

天一閣藏明代方志選刊

夏津縣志

夏津縣志序

余往時讀書見顯孫氏所舉楚



文之已令尹必以舊政告新令尹而夫  
子許其為忠竊獨以為此亦恒人之所  
能而君子之細事以子張之賢過推慕  
之乃欲假之於仁雖夫子之不許而亦

以為忠蓋嘗所未喻也比余為令子夏  
津而知之矣始余至夏津其大者欲知  
民之性以制寬猛之常物土之利以經  
出入之法察俗之尚以節豐儉之中而  
山川之理經界之限壤地之生風氣之  
習貢賦之入莫之有徵至於道路之淫

來市井之集散官室之興壞溝涂之  
通塞所以盡人之情而極事之變曾吏  
於是土而施設有益於民與夫不善而  
遺後之患足以示勸戒而係人心之好  
惡者皆漫不可考蓋為之數月而茫然  
顧以為簿書之煩密圖籍之散逸可以

樞括而推長老之觀記後生之傳聞可  
以訪詢而得於是敝其神於按覈之詳  
易其心於巡咨之數暇則出行原野次  
舍郊闕目之所接跡之所履而所以多  
歷而不蓄慮不遺乎其土之宜思不越  
乎其邑之制而心不惑乎其人之情乃

得以盡其愚而効其尺寸於職然未嘗不自歎其勞而惟恐其或失之也使前之人有以遺我則雖以余之拙且陋然既有所豫知而先待之於以制政之常當俗之中經土之法豈不尤為專心一力而可以蚤有成哉邑之有令其繼者固


未有窮而聰明才知之士加於余什伯者宜其衆也以其聰明才知而又得以先知豫待夏津之政則其所及於民何啻如余之拙陋勤苦而僅得之者哉夫面告之不可幾則莫如筆之於書之為明且遠此余所以不揆歆者以遺來者


而庶幾乎令尹以舊政告新之忠也其  
時河中張歷田公方以使者之節開府  
臨清蓋威明之用而並文武之事進時  
中於庭而教之曰夏津雖小亦國之建  
邑也而記載缺然陋如之何因指授大  
義使歸而成之余既有意於令尹子

文之事而張公又教之使得有成遂  
退而與邑之學官及弟子員訂論  
志事而特以義例授張生翰弼使執  
簡而書焉志未就而張公擢去今三河  
次齋王公持節來代諸所施設視張  
公不替者加焉所以寵異時中而教之



使者成亦如張公也故余得以庚子歲  
之春三月成夏津志為二冊凡五卷以  
付梓人因述其所以脩焉之本心使覽  
者知時中之不肖非有二心之教則亦  
莫之能成也若夫志之凡例大之載已  
識之於目錄之右方四月朔日易時中

書







縣治之圖



縣學之圖

四





夏津縣志目錄

上卷

地理志

食貨志

官師志

公署志

學校志

選舉志

目錄

一

惠政志

祀典志

脩武志

下卷

名宦志

人物志

災異志

藝文志

雜志

易子

時中

曰夫志爲邑而作邑爲地而達也匪地  
罔邑匪邑罔志故志邑者必首地理焉地必有所  
產財貨出賦役興焉故受之以食貨貨聚而不治  
則爭公署官之所居也故受之以官師而繼之以  
公署既治而不教則愚選舉教之所成也故受之  
以學校而繼之以選舉治民之政多矣惠政其先  
焉教民之典詳矣祀典其重焉故受之以惠政而

目錄

二

繼之以祀典有文教必有武備安不可以忘危也  
故受之以脩武數者之政舉而宦蹟彰則爲名宦  
數者之化行而人材出則爲人物故受之以名宦  
受之以人物氣數人事之不齊災異生焉受之以  
災異有一邑之故實必有一邑之精華受之以藝  
文故實之非其大且要者可以別紀而不可以無  
紀故受之以雜志終焉

夏津縣志卷之一

地理志

志地理何自古辨方正位體國經野四万之志掌之外史後世郡國載在圖經是故察分星詳建置辦疆域形勝表其大觀風俗陳其美惡城池摹其高深堤河以窮源委橋梁以紀廢興鄉圖以別里屯坊市以表宅以列化居終焉志地理

星土

上

一

禹貢兗州之域天文虛危之次

時中

曰按夏津舊志及東昌府志分註皆冀州之域天文昴畢分野考之前史兩漢晉南宋隋皆屬冀州部恩縣武城皆趙平原君封邑地戰國時盼子守高唐趙人不敢東漁於河疑即高唐之馬頰河則夏津當爲趙地而高唐之西界也舊志之云未爲無據及考禹貢冀州既載壺口治梁及岐既脩太原至于岳陽覃懷底績至于衡漳凡此未有

爲山東州縣者歷代地里指掌圖曰古兗今北京  
即大名府滑濮濟鄆恩德博濱棣滄分乾寧永靜之地

則夏津固在恩博之間也山東通志曰女虛危在  
子齊分野註兗州之域東昌府爲聊城爲堂邑爲  
莘爲茌平爲博平爲清平爲高唐爲恩爲夏津爲  
武城其圖星漢玄枵之次配以山河趙實與焉諸  
所考據甚詳而其分配甚精則於天文固當虛危  
之次也蓋戰國屬趙漢以後屬冀者歷代沿革之

上

二

異而實古兗之地分星之在天者則自天地定位  
始要不以沿革而隨以異也或曰大明一統志以  
東昌爲危室分野而子不言室何也曰室衛分東  
昌之南而夏津則東昌之北也彼以一郡言此以  
一邑言故不同耳嗟乎星學失傳天道茫昧自保  
章氏以還諸儒爭喙惟僧一行兩戒之說爲近而  
所入度數諸有不同時中何人而敢知哉惟敬天  
勤民者攷焉

建置

唐虞夏商周屬兗州之域

春秋戰國爲趙齊晉會盟之要津

秦屬鉅鹿郡地

西漢始爲清河郡之鄆縣

東漢復曰鄆屬清河國

先王莽改鄆曰善陸后光武誅莽始復舊名

晉因之

南北朝元魏亦曰鄆屬南清河郡

元魏有東南二清河郡鄆時屬南清河故云

上

三

隋初廢開皇十六年復置鄆屬清河郡又別置夏津

屬貝州大業初廢夏津入清河縣

唐初屬貝州天寶元年改鄆曰夏津屬清河郡

五代漢割屬大名府

宋金因之

元初屬東平路至元七年改屬高唐州

國朝因之編戶三十里後增爲三十一里

疆域

廣七十里輪六十里

東至陶家橋三十五里橋之東爲高唐州地

南至清平縣界十里又三十里爲清平治

西至直隸清河縣界賈湖渡口四十里又四十里

爲清河治

北至孫生鎮

一名錦川鎮  
詳見古蹟

四十里鎮之東北爲恩

縣地西北爲武城縣地

東南至高唐州界三十里又二十里爲高唐治

上

四

西南至臨清州界二十五里又三十五里爲臨清

治

東北至恩縣界三十里又四十里爲恩治

西北至武城縣界三十里又二十里爲武城治

郡治自縣而南達之百二十里

藩司自縣而東達之二百一十里

南京自縣而東南達之陸路一千六百里水路二

千一百四十里

京師自縣而東北達之陸路八百三十里水路一

千二百二十五里

形勝

左環馬頰右帶衛河古堤繞乎東南巨鎮奠乎西

北

見堤河志

鄒城故國衛水要津

見山東通志

古有大河險阻爲齊晉要津且境多佳鎮足爲是

邑之重

見郡志

上

五

馬頰晴虹

龍灣煙雨

在馬頰河中

衛河古渡

雲寺清涼

寶塔玲瓏

義塋苔碑

錦川晚眺

鄒城曉望

已上八景  
見文廟碑

風俗

質直好義有古風烈

隋志

俗近敦厚家知禮遜習俗節儉人多讀書

元志

民務耕稼士習詩書節儉之風自古而存浮華之

俗逮今而革 郡志

土風龐厚

五龍王行祠記

孟春之月 元日繪門神貼桃符供祖先壽尊

長親朋更相賀歲

春日先期出東郭迓春如期食生

菜迓新元宵造麵鬻張燈弛夜

禁

仲春之月 二日用竈灰圍屋避虫鼠

上

六

季春之月 寒食斷火祭墓爲鞦韆戲

穀雨禁蝎

孟夏之月 八日僧家浴佛愚民施財

仲夏之月 五日貼門符啖角黍小兒繫綵絲

人戴艾虎行追節禮

季夏之月 六日儲水曬衣造麩醬

孟秋之月 七日閨人乞巧 中元薦新

仲秋之月 中秋羅樽壘觀月華女家逆女

季秋之月 九日蒸花糕造菊酒行追節禮

孟冬之月 一日祭墓焚寒衣

仲冬之月 至日履長之賀亞于歲朝

季冬之月 八日食臙八粥 念四日祀竈

除夕餽歲

時中

曰閱前志郇之俗美矣質之父老有曰然有  
曰不然又有曰渠曰然者誇也曰不然者激也吾  
聞君子之德風也小人之德草也風行則草偃上

上 七

倡則下隨之矣是在父母噫嘻是足以儆予矣

城池

土城周圍七里世傳隋竇建德轉輸之處

國朝天順間知縣薛正築城高二丈闊一丈四門樓  
東曰挹暘西曰西成南曰迎薰北曰拱宸窩鋪十  
二梁頭一千九百七十有奇池深八尺闊如之弘  
治間知縣鄭陽張璈繼脩正德辛未霸州盜起知  
縣張翰增脩城高前三丈闊二丈四隅建樓窩鋪

三倍厥禡門外闔闔外釣橋池深前七尺闊十有二尺乙亥知縣鮑龍新西成樓嘉靖戊子知縣張稠新迎薰挹暘樓壬辰知縣劉鑾新拱宸樓丙申城垣角樓梁頭馳道多圯時中葺之增水溝十有四丁酉樹棗柳于池之濱戊戌新四門橋規制駸駸乎備矣

時中曰郟之城池設矣足以爲邑之屏矣然坍塌缺之患無歲無之脩葺之功不能不有賴于後之人

上

八

後之不繼則缺者日就於頽而後益難於爲力矣是故先甲三日後甲三日爲政者最當知也雖然根本之計又有大於此者其尚無忘乎孟氏之訓時中又曰今之守令凡城池學校公署鋪舍橋梁之類以興脩爲大禁廢不舉敝不葺荒頽敗落之甚竟諉之不知是豈有司之得已哉興脩之費不出之官則出之民出之官則上疑出之民則下謗故稍自好者則深避而不爲嗚呼已計得矣其如

國何民何士君子立身行已惟求此心之無愧耳  
矣疑與謗固有所不暇避况有不至於疑且謗者  
則亦何憚而不爲哉城池一事愚竊有一說焉城  
以衛民民兵則以衛城者也有事時固將用之無  
事時可使自暇逸乎故以民兵之數乘城池之數  
畫地使守遇壞則脩遇淤則鑿而又預積磚坯以  
待之嚴爲巡視以警之則人人各自爲計既無公  
帑之發亦無民財之歛而城池永收高深之利矣

上

九

迂踈之見不識通方以爲何如敬書以俟后之君子

### 堤河

**古堤**自西南來盤曲低昂狀若蛟螭臨清爲會通  
河所斷逾河而北城之東南復枕其半俗呼爲東  
堤轉而東北柴二庄爲夏津境歷趙家韓家侯家  
諸庄遶治迎薰南門挹暘東門之外又轉而東北桑家  
店爲恩縣界其委瀕海盖古之隄防也

**月堤**在縣治西四十里衛河之東西內岸也外岸

不足以防水患故內堤作焉歲久坍塌缺嘉靖庚寅

河決外堤民廬舍田禾蕩然一空凋敝甚焉丁酉

戊戌二秋河復溢民懼輒馳告時中時中歲發附

近夫八百餘人脩之堤幸以完主簿胡尚仁謀於

時中曰此未足以置永久也無已則脩月堤乎時

中力贊其議請之治河都御史可泉胡公 水部

郎廬山邵公 咸俞焉己亥春迺發槩縣夫千七



百有五人暨德州九屯夫二百三十人脩之越三

月訖工民其庶有永賴乎是役也德州千戶鈕繼

先裴家圈巡檢李宗祿亦與有勞焉

**舊堤**東岸北自武城界橫河口南至臨清界二  
十里口十有九處共長五千三百一十一

丈七尺  
西岸無

**新堤**東岸八處共長一千三百九十八丈五尺  
西岸四處北自武城之劉家道口南至清

河潘家口共長一  
千零八十五丈

**馬頰河**在縣東高唐州界三十里李巡曰禹疏九

河河勢上廣下狹狀如馬頰故名禹貢九河之一亦名舊黃河其源出大名府開州頓丘北過朝城西五十里田真廟分而爲三轉而西北復合爲一又北經莘縣堂邑觀城清平諸縣界入境北流十五里至陶家橋十里抵卞官橋又北流十五里至董姑橋迤邐三里許出境至津期橋則爲恩縣界矣其委入海今兩岸相去數多步高平者俱乾旱窪下者間有積水不通舟楫世傳爲馬頰河 按

上

十一

馬頰河自北瀆入貝丘至大陸北播爲九河元和志在德州安德平原之境寰宇記在棣州商河北輿地記云即通馬河通志畧載馬頰河水須城漁山之東右河濟河流出故慮城北有灤水自東北入焉灤水即今濟南西門水是也疑此別河之名非馬頰河抑九河支流散漫所歷非一處云存之以俟知者

**衛河**在縣西四十里其源出河南衛輝府輝縣蘇

門山百門泉東北引溢洹淇三水流千里爲館陶會漳水又北九十里爲臨清與會通河合北流至半壁店入境八里至裴家圈三十里至渡口驛又五里許爲武城界其委入海漢名屯氏河隋名永濟渠又名御河即此

**沙河**在縣治西十五里自臨清八里灣東北至師家堤口入境歷馬家寺箭口至南北雙廟又入晁官營楊官營十八戶至魏官屯出境爲武城界東北至陶家店又西北至大王坡爲恩縣界今涸嘉靖八年均地時已爲徵糧地矣

時中

曰古者地有遺利故其利卒歸之民而民曰富後世地無遺利故其害恒及於民而民日貧若沙河者水雖已涸而地可耕然終爲受水之處遺以在民不亦可乎槩以徵糧則雨澤過盛即爲巨浸賦何以供且地瀕衛河就使吾治之堤永固而臨清之八里灣武城之東岸一有坍塌沙河一帶

七十餘里皆為隣國之壑其將柰之何哉噫往年

戊戌之害有足慨矣

橋梁

馬頰橋

在縣東南三十里  
嘉靖己亥時中脩

陶家橋

在縣東三十里  
成化間知縣張恕脩

卞官橋

在縣東北四十里  
成化間知縣張恕脩

屯氏橋

在縣東北三十里  
嘉靖庚子時中脩  
一名董姑橋

鄉圖

上

十三

順化鄉里一圖五

坊廓里

亦名土民里

一圖

張里長屯

二圖

徐里長屯

三圖

許官屯

四圖

段官屯

五圖

史官屯

智遠鄉圖七

一圖

土民里

二圖

查店屯

三圖

胡官屯

四圖

八方塔

五圖

新增里

六圖

田三屯

七圖 于里長屯即豐稔鄉二圖

孝南鄉圖六

一圖 土民里  
二圖 張官屯

三圖 喬官屯  
四圖 朱官屯

五圖 董里長屯  
六圖 賈里長屯

孝北鄉圖六

一圖 裴官屯  
二圖 北雙廟

三圖 南雙廟  
四圖 朱全屯

上 十四

五圖 鄭保屯  
六圖 田羔屯即豐稔鄉一圖

豐稔鄉圖六

三圖 周官屯  
四圖 王官屯

五圖 卞官屯  
六圖 李官屯

七圖 張官屯  
八圖 陳官屯

時中 曰縣一也而鄉異焉鄉一也而圖異焉東南

膏沃西北沙礮且多水患此其地大較也四屯查店

于里長裴兩廟南雙廟號稱極累七屯田三張官  
官田羔共四北雙廟朱官董里

長賈里長周官  
又張官共七  
兩里智四  
號稱次累三里土民號

曰得過此其民大較也要之肥磽貧富參錯其間  
是故里役有分數徭役有等則此為政者最當知  
也雖然今日之地力民力皆非昔日比矣為政者  
可無如傷之視哉

坊市

德化坊  
在縣治南

永寧坊  
在縣治西

上  
十五

喜春坊  
在縣治東

聯桂坊  
在縣治東

僊梯坊  
為霍毅建

青雲坊  
為朱玉建

鵬搏坊  
為朱衡建

雋賢坊  
為張明建

光裕坊  
為王夢賢建

鴻臚坊  
為王健建

步蟾坊

為王雄建

義民坊

為李祥建 已上俱廢

激揚坊

在察院前

承宣坊

在布政司前

育賢坊

在儒學前

武備坊

在挹暘門外

養濟坊

在縣治北

城隍坊

在縣治南

上

十六

進士坊

為王雄建

經亞坊

為朱應昌建

世科坊

為朱應昌建

登雲坊

為張鉞建

青雲得路坊

為高崇建

光遠坊

為王鵬齡建 已上俱時中脩

縣 市

月以一六日為期

張里長屯市

在縣東南二十里 月以二七日為期

張官屯市

在縣東二十五里月以五十日為期

孫生鎮市

在縣北三十里月以三八日為期

八方塔市

在縣北二十五里月以四九日為期

渡口驛市

在縣西北三十五里月如張里長屯市為期

裴家圈市

在縣西四十里月如孫生鎮市為期

上

十七

夏津縣志卷之二

食貨志

周禮以司會掌百物財用書契版籍而洪範八政惟首食貨則生人之所急帝王之所天邦國之所賴固莫有重焉者矣漢唐以來史各有志然則鄒既有人有土而有財用矣不紀之後將焉徵爰志食貨

戶口

洪武二十四年

上

十八

戶 六百八十七

口 四千二百七十九

此按東昌府志而去非志之誤也土民三里之數也洪武二十五年徙二十七屯于此則生齒繁矣故永樂以後之數倍蓰厥初

永樂十年

戶 三千六百八十三

口 二萬一千五百九十七

天順五年

戶 三千三百

口 二萬六千三百七十九

正德十年

戶 三千六百七十六

口 三萬七千四百三十一

嘉靖元年

戶 三千六百七十九

口 三萬九千二百八十七

嘉靖十年

戶 三千六百九十七

口 三萬九千一百五十五

時中

曰天地生人之權其寄於守令者最近而令為尤近令得其人則民未有不生者令失其人則民未有能生者是故戶口之登耗係焉然而令之

上

十九

賢否有非一端姑即審戶言之其過於縱者則以實在為逃亡強壯為老幼固不能察民之奸而失之苛者則逃亡之丁不為除豁老幼之丁亦隸差役其何以遂民之生甚至任情而陞擦其戶贖貨而輕重其差欲民之生難矣哉嗚呼是可為於邑也已

土田

洪武二十四年官民地四千七百三十二頃九十

三畝伍分

綿花地八十七頃八十畝

今無嘉靖八年奉例均糧每糧地一頃科

花絨七兩五錢三分六釐七毫共三萬五千一百五十兩蓋均之槩縣矣

沒官地一十三頃二十四畝九分

今無嘉靖八年均糧每官

地一畝折作民地二畝四分一釐二毫零三忽有奇共折地三十一頃九十五畝七分蓋均作民地矣

民糧地四千六百三十一頃八十八畝六分

今多

蓋共前沒官地折作民地而通計之矣

上

二十

嘉靖八年均地量過白地九千七百四十七頃四

十二畝九分八釐一毫

內除九營軍地五百九十八頃九畝六分二毫

教場河岸官地三頃八十八畝五分九釐高唐等五官路地八頃一十五畝七分一釐馬

廠地二頃四十三畝已上免科外白地九千九十二頃三十七畝一分七釐九毫又堆沙

地四十二頃四十八畝九分折白地八頃三十四畝七分三釐四毫共該白地九千一百

頃七十一畝九分一釐三毫每白地一畝九分五釐一毫三絲四忽科糧一畝共科糧

地四千六百六十三頃八十四畝三分

時中

曰郟賦舊弗均民徃徃逋負嘉靖己丑奉例

均之迺罔有地無賦亦罔有賦無地輕重畫一而  
民之逋負者寡矣厥惟休哉然郇壤有白有黑有  
沙有鹺且有不犁者不爲區別而堤岸蹊徑之處  
一切興科則亦未免爲少失其均者雖然是非有  
司之得已也不爲畫一之法而民之奸弊百出矣  
後之君子能以意消息乎其間則夫不均之民其  
亦有休乎哉

貢賦

上

二十一

歲辦雜色獐羊皮六十五張成化二十一年奉工  
部勘合內開本色狐狸皮二十張折色雜皮四十  
五張每五張折造或青紅綠胖襖一件每件長四  
尺闊四尺六寸中貯花絨共重十斤褲鞋各一付  
共折造胖襖褲鞋九付貢之以爲常

洪武二十四年

夏稅

小麥一千二百四十一石九升五合  
絲綿四十二斤六兩五錢六分

秋糧

粟米二千八百九十五石八斗八升零  
綿花絨九十九斤二兩

永樂十年

夏稅 小麥七千四百九十三石九斗九升零  
絲綿二百六十一斤三兩

秋糧 粟米一萬七千四百八十三石六斗五升  
零綿花絨二千一百九十六斤一十二兩

天順五年

夏稅 小麥七千四百八十三石五斗四升一合  
絲綿二百六十一斤四兩六錢二分

秋糧 粟米一萬七千四百六十一石五斗九升  
九合綿花絨二千一百九十六斤十四兩

正德十年

夏稅 小麥七千四百八十三石五斗四升零  
絲綿折絹二百九疋九寸三分零

秋糧 粟米一萬七千四百六十一石五斗九升  
零綿花絨二千一百九十六斤一十四兩

已上起運  
存留無考

嘉靖十年

夏稅 小麥起運五千七百八十七石存留一千  
六百九十八石四斗六升八合八勺共七

千四百八十五石四斗六升八合八勺絲  
綿折絹二百九疋九寸三分二釐二毫五

尺農桑折絹三十四疋四  
尺八寸七分五釐俱起運

秋糧 粟米起運一萬二千五百七十五石存留  
四萬八千八百九十一石九升三合九勺共一

萬七千四百六十六石九升三合五勺綿  
花絨二千一百九十六斤一十三兩俱起

運馬草起運三萬四百二十五束存留二千三百六十一束共三萬二千七百八十

束六

鹽鈔

一萬三百三十九錠一貫起運存留各半

課鈔

九千一百八十一貫三百二十四文

時中

曰甚矣書手之害也國儲之所以不克者以之窮民之所以逋竄者以之蓋其始也詭寄其終也內欠其中也又或增減糧數而多寡之變易分數而重輕之其奸無窮其弊百出甚有難於究詰

上

一十三

者於此而不加之意焉其將何所不至哉是故逃絕之戶不可謂無也覈其實於未派之先則爲弊之源可清收除之數勢所必有也謹其防於過割之際則爲弊之流可止在官有派簿在民有由帖經收之人又有赤曆簿未必其相投也盡舉而細覈之果無前數者之弊則書手之弊杜矣書手之弊杜則賦均而民易輸國之賦亦易克矣上無苛政下無逋民其利不亦溥哉嗚呼所不利者書手

數人而其所利者一邑之人且書手賴之以全其身則亦未始不為利也後之君子其尚毋忽乎哉

民役

**力差**歲二百五十五人半

徭役銀一千一百五十八兩五錢

門子一十八人

察院布政司各二人太僕寺府館山川社稷邑厲壇各一人各銀

五錢本縣六人人各銀一兩五錢儒學三人各銀一兩合銀共一十六兩五錢

庫子三人

本縣二人各銀一兩五錢儒學一人銀一兩合銀共四兩

廩給庫子八人半

臨清渡口驛人各銀二十兩合銀一百八十七兩

上

二十四

皂隸二十人

本縣直堂接遞人各銀一兩五錢合銀三十兩

掃殿夫一人

本縣儒學先師廟銀一兩

牌夫三十二人

臨清廠人各銀五兩合銀一百六十兩

館夫三人

臨清渡口驛人各銀六兩合十八兩

淺夫八十人

本縣河道人各銀三兩合銀二百四十兩

防夫四人

武城甲馬營遞運所人各銀四兩合一十六兩

鼓夫二人

本縣人各銀五錢合一兩

鋪司兵二十八人

本縣人各銀一兩五錢合四十二兩

弓兵二十人 本縣馬營巡檢司五人銀二兩合四十兩

禁子六人 本府二人人銀四兩合銀八兩  
本縣四人人銀二兩合銀八兩

馬快手二十人 本縣人銀各十七兩  
合銀三百四十兩

巡攔二人 本縣人各銀一  
兩合銀二兩

倉老人一人 本縣預備  
倉銀三兩

倉斗級六人 本縣預備倉二人人各銀二兩儒學  
一人銀一兩五錢臨清倉三人人各

銀十二兩合銀共  
四十一兩五錢

倉夫一人 本縣水次  
倉銀五錢

上 二十五

銀差一千二百九十九兩二分一釐五絲

柴薪皂隸二十三人 京班八人兗州府四人本縣  
十一人人各銀一十二兩合

銀共二百  
七十六兩

直堂皂隸二人 京班人各銀十  
兩合銀二十兩

柴夫七十七人 易州廠人各銀三兩一錢  
合銀二百三十八兩七錢

木柴銀 一十五兩二釐二  
毫五絲易州廠

料價銀 一百七十  
三兩六錢

軍器并脚價銀 一十七兩  
七錢五分

馬夫五人

本縣人各銀四十兩合二百兩

齋夫六人

儒學人各銀一十二兩合銀七十二兩

膳夫四人

儒學人各銀一十兩合銀四十兩

祭品銀

九十四兩一錢

歲貢銀

三十六兩

鄉飲銀

一十二兩

曆紙銀

三兩八錢六分八釐八毫

公用銀

一百兩

上

一十六

時中

曰力役之征民之分也根於心而無所逃於

世者也然江南之役恒以十年或以五年甚則二

三其年休之日多而役之日少識治君子且蹙其

容曰江南之民力竭矣今山東之役雖曰二年一

審要之今年之審此戶此丁後年之審亦此戶此

丁盖無一年不受役者民無息肩之期民力之竭

何如哉且此外有養馬之役有大戶之役又有不

時借募之役民力之竭又何如哉嗚呼馬力之窮

君子且有嚴焉而況於人乎爲有司者不思所以  
紓之而且漁獵於其間焉是誠何心哉嗚呼其念  
之哉

物產

穀之類九

稷 黍 粟 麥 菽

稂 藟 苴 芝麻

蔬之類二十有二

上 二十七

韭 芥 芹 葱 茄

莧 薺 蓼 荼 白菜

萵苣 菠薐 芫荽 苘蒿 菜菔

蔓菁 蒼蓬 眉豆 玉環 白花菜

馬齒莧 胡蘿蔔

蔬之類十

西瓜 甜瓜 黃瓜 筍瓜 絲瓜

冬瓜 地瓜 瓠 壺 匏

果之類十有一

李 柰 桃 杏 棗

梨 梅 蘋婆 葡萄 石榴

沙果

木之類十有二

椿 槐 桑 榆 楊

柳 杜 棠 栢 柘

楮 桐

上 二十八

花之類十有六

菊 萱 榴 葵 金盞

玉簪 鳳仙 鷄冠 薔薇 刺薇

石竹 木槿 扁草 水蓬 十姊妹

滴滴金

草之類十有五

葦 蒿 莎 萍 蘆

稂 莠 芣苢 桑夷 苜蓿

馬藍 牛舌 蓬 猫眼 茨

畜之類十有二

馬 牛 羊 驢 騾

豕 猫 犬 鷄 鵝

鴨 鴿

獸之類八

兔 狐 狸 獾 蝟

鼬鼠 鼯鼠 鼯鼠

上 二十九

鳥之類十有四

鳩 鷹 雀 鵲 烏

鸛 梟 玄鳥 華虫 鶉

鸕 斲木 蝙蝠 鶻鷁

鱗之類七

鯉 鯽 鮎 魴 鱧

鱧 鱔

介之類四

蟹 蚌 蝦 螺

虫之類二十有八

蚕 蠋 蚓 蟬 螻

蚕 蛙 蟻 蚊 蠅

蛇 蝎 蜂 蜚羅 蝮蝮

伊威 蜘蛛 蟋蟀 螽斯 莎鷄

螺贏 蝸牛 螟蛉 蝴蝶 蜻蜓

守宮 蚰蜒 蜚蝗

上 三十

藥之類三十

枸杞 括樓 牽牛 艾葉 蒼耳

紅花 瓦松 蒺藜 茴陳 益母

荊芥 菊花 薄荷 葶藶 瞿麥

王瓜 鱧腸草 海納子 地骨皮 兔絲子

仙靈皮 天仙子 車前子 馬兜苓 天花粉

桑白皮 郁李仁 小茴香 紫花地丁 蓖麻子

貨之類十有三

絹

紬

綾

絲

縠

蓆

鹽

簾

硝

綿布

綿花

線鞋

線麻

夏津縣志卷之一 終

上

三十一

夏津縣志卷之三

官師志

成周以州長鄉師之職各掌其教治政令之法以整齊民蓋民非賢不義而官之逮凡以為民也矧今郡縣之制令以下之職尤為親民者乎列其姓氏詳其里居考其行業燁然有聞者凡幾其他則無所臧否又其甚也則并姓氏而忘之矣噫可鑒哉

職制

上

三十二

漢唐制令丞尉各一人

宋以京朝官知縣事丞簿尉各一人

元置達魯花赤尹簿尉各一人又置典史一員為首

領官

國朝知縣一員 縣丞一員 主簿二員 一員佐縣一員管馬

弘治十八年革弘治元年添設一員管河 首領官典史一員

儒學 以下皆合屬

漢唐勅置一學擇師設教未有官也

宋景定三年始制主學一員

元教諭一員 訓導一員

國朝教諭一員 訓導二員

巡檢司巡檢一員

陰陽學訓術一員

醫學訓科一員

歷官

漢三國令丞無考惟列侯載于舊志謹附于左

上

三十三

西漢侯

呂它 惠帝時以父嬰從高祖破秦定諸侯功封

欒布 景帝時以將兵救齊擊吳楚功封

東漢侯

馬武 光武時以擊隗囂功封

趙苞 靈帝時以擊鮮卑功封

三國侯

朱靈 魏文帝時以從曹操征伐功封

隋縣令

楊善會

弘農華陰人大業中任詳名宦志

唐縣令

李知本

趙州元氏人貞觀初任詳名宦志

宋縣令

凌唐佐

徽州休寧人元符初任詳名宦志

元縣令

梁仲信

保定人元統間任詳名宦志

上

三十四

王士正

至元間任

魏斌

至元間任

王民正

廣平人至正初任詳名宦志

張寬

教諭

王佐

高唐人

國朝縣令

史吉甫

洪武間任

薛平 陝西咸寧人 洪武二十八年任 詳名宦志

江溪 永樂間任

薛正 陝西華亭人 舉人 天順二年任 九載 考績 百姓保留 復任 五載 卒于官 詳名宦志

姚賢 字良佐 山西徐溝人 舉人 成化十一年任 詳名宦志

張恕 字希仁 直隸霸州人 進士 成化十八年任 擢御史 歷任南京兵部左侍郎 詳名宦志

尹凌 字以事 湖廣京山人 舉人 成化二十三年任 以事去

李文 河南睢州人 舉人 弘治元年任

宋鐸 字載以 憂去 詳名宦志 山西聞喜人 舉人 弘治四年任 歷

上 三十五

鄭陽 字宗乾 直隸安肅人 進士 弘治十年任 擢 御史 歷任兵部侍郎 詳名宦志

張璈 字廷和 湖廣京山人 舉人 弘治十五年任 歷四載 卒于官 詳名宦志

張翰 字文卿 河南中牟人 舉人 正德元年任 後 陞東昌府通判 尋陞陝西僉事 詳名宦志

鮑龍 字雲瑞 直隸藁城人 舉人 正德八年任 以 事去

賈真儒 字宗孟 直隸平谷人 舉人 正德十三年任 政寬事 若弛而民力頗紓 歷九載 陞彰德 府通判

府通判

張稠 字立之 直隸完縣人 監生 嘉靖七年任 政 嚴民畏 奉例均田 亦有德于 鄙者 以事去

程良 字以 觀左 遷泰安州學正 陝西葭州人 監生 嘉靖十年任 未

劉鑾

字朝儀河南唐縣人舉人嘉靖十一年任陞上元知縣先以疾去

易時中

字嘉會福建晉江人舉人嘉靖十五年任

劉璧

字宜獻江西萬安人舉人嘉靖十九年任

時中

曰令也姓氏列矣里居詳矣行業之良者吾

得而聞之吾得而書之其不良者吾得而聞之不

得而書焉雖不得而書書其良而其不書者自見

矣

嗚呼後之視今猶今之視昔也其可書耶其不可得而書耶兩哉段鑑孰非我師

縣丞

上

三十六

陳榮

洪武間任脩理學校壇壝民甚德之舊志

李禎

直隸深澤人監生成化間任

楊春

河南固始人監生成化間任廉慎有為見郡志

蘇文

山西興縣人監生成化十四年任

王瑄

四川渠縣人監生成化間任以事去

張洵

順天永清人監生弘治二年任

王育

河南夏邑人監生弘治間任

何興

山西安邑人監生弘治十二年任質直無文廉正不阿丞之優者秩滿去

冉繼宗

山西廣昌人監生弘治十五年以疾去

南玉

直隸良鄉人監生正德五年任卒于官

樊哲

山西榮河人監生正德七年任質直無偽廉介有為有何之風秩滿去

楊鵬

湖廣孝感人監生正德十二年任致仕去

秦安

湖廣鄖縣人監生嘉靖元年任有何樊風

韓仁

直隸密雲人監生嘉靖四年任以幾去

閻鑛

陝西安塞人監生嘉靖八年任以觀去

靳森

直隸隆慶人監生嘉靖十一年任致仕去

上

三十七

屈邴

直隸任丘人儒士嘉靖十五年任陞范縣知縣

蔡璉

河南孟津人監生嘉靖十六年任以事去

陳山

浙江平陽人吏員嘉靖十九年任

時中

曰丞也元以前不可考矣

明以來所可知者十有九人可稱者僅五人其它無

聞焉何寥寥也嗚呼是豈其志之弗傳耶抑其人

之無足傳耶其人足傳而其志不傳則固為志病其志傳而其人不可傳則亦不足為人惜哉念諸

主簿

葉宗文 洪武間任

艾文敬 洪武七年任

李斌 直隸灤州人吏員正統元年任

張名 直隸撫寧人吏員

何宴清 成化間任

張鑑 成化間任

郗遠 山西屯留人吏員成化十四年任

楊祥 直隸慶都人監生成化十五年任管馬

上 三十八

張明 陝西隴州人監生成化十八年任

謝潤 直隸武清人吏員成化十九年任管馬以  
事去

胡清 廣東樂昌人監生成化間任

趙安 直隸隆慶人吏員弘治元年任以  
覲去

葉隆 四川蒲江人監生弘治元年任管河有能  
聲

陶洪 監生弘治三年任

趙鑑 山西蒲州人吏員弘治七年任

成璠 山西陽城人監生弘治十二年任

程海 河南淇縣人監生弘治十四年任致仕去

王鑛 山西蒲州人監生弘治十五年任以憂去

李澄 山西山陰人監生弘治十八年任管河秩滿去

惠鳳 陝西岐山人承差正德元年任管河有能聲

李明 河南孟縣人監生正德元年任以 覲去

王瑄 宣府龍門人監生正德六年任以老去

封忠 直隸大名人監生正德八年任管河以 覲去

徐錦 湖廣公安人吏員正德九年任治事勤慎有能聲陞萬安縣丞

上 三十九

宋璠 山西潞州人監生正德十三年任以 覲去

張文憲 直隸饒陽人知印正德十五年任以事去

王材 山西河津人監生嘉靖三年任以事去

石璋 直隸遷安人吏員嘉靖五年任卒于官

張金 陝西金州人監生嘉靖五年任管河以事去

李晉陽

李思明 直隸清苑人監生嘉靖十年任以事去

米應元 直隸開州人監生嘉靖十一年任管河有廉能聲不阿當道以 覲去民咸惜之

胡尚仁 陝西金州人監生嘉靖十四年任管河

林友栢 陝西寶雞人監生嘉靖十六年任

王用 陝西富平人監生嘉靖十九年任管河

王綰 山西榮河人監生嘉靖十九年任

時中 簿也姓氏之可知視丞倍之行業之可稱  
曰 則又不及焉豈其職愈卑而其人亦愈卑  
哉嗚呼人可以職而為崇卑哉委吏乘田獨非大  
聖同安主簿大儒居焉職斯職者其尚知所自愛哉

典史

侯昌

張壽

杜祥

黃詡 河南陳州人吏員成化十三年任

朱和

范玘 河南南陽人吏員弘治三年任

蔣見 弘治間任

田翱 直隸南宮人吏員弘治十三年任致仕去

蘇海 直隸玉田人吏員正德元年任以 覲去

劉

鉞

貴州思南府長官司人承差正德四年任  
遇事敢為禦寇有功幕之懍者

周純

直隸華亭人吏員正德十二年任致仕去

馬文智

直隸遷安人吏員嘉靖四年任以憂去

楊達

直隸定遠人吏員嘉靖七年任以  
觀去

張璐

河南陳留人吏員嘉靖十四年任

宋會

河南武陟人吏員嘉靖十九年任

時中

曰世常少刀筆吏刀筆吏何可少也天之生

人厥才惟均利心喪之也克其利心才斯善矣然

上

四十一

而

徃徃不能焉此世所以少之也嗚乎如  
劉者世豈多得哉表而書之以勸來者

教諭

鐘士永

江西泰和人天順間任

趙文仲

福建莆田人舉人成化間任

林良

福建閩縣人舉人成化間任

郭聰

直隸廣宗人監生成化間任鷄鳴升堂終  
日講論門下造就者甚多

陳源

湖廣鄱縣人監生成化十八年任

鍾宣

錦衣衛人舉人弘治三年任

黃秩

福建莆田人舉人弘治十年任學有家傳教克振舉士至今稱之

邵漳

福建閩縣人監生正德元年任秩滿致仕去

劉信

河南鈞州人監生正德十一年任秩滿去

張濟時

直隸衡水人監生嘉靖四年任卒于官

魏汝贊

直隸臨城人監生嘉靖五年任廉正不阿教士亦勤惜不能勇退 觀以老去

周瑩

江西崇仁人監生嘉靖八年任作人無斃待士有恩惜不能勇退 觀以老去

王琳

直隸淮安衛人監生嘉靖十三年任

訓導

上

四十二

劉景秀

監生洪武初任

江濂

直隸棗強人舉人天順間任

林旺

浙江象山人監生成化間任

孫進

直隸臨淮人監生成化十五年任

楊深

直隸潼關衛人監生成化二十一年任以事去

陳文昂

福建永福人監生弘治二年任

呂永福

河南信陽人監生弘治二年任

盧廷琮

河南許州人監生弘治八年任

史璞 浙江長興人監生弘治十二年任以憂去

郭聰 河南封丘人監生弘治十八年任卒于官  
重厚少文太古人也

陳璋 河南胙城人監生弘治十八年任

王春 直隸定州人監生正德六年任陞黎城教諭

李憲 河南宜陽人監生正德八年任

劉廷武 羽林衛人監生正德十四年任陞福山教諭  
不赴今于夏津家焉

何景哲 南京驍騎右衛人監生正德十六年任

宋希璟 陝西中部人監生嘉靖七年任

上 四十三

李侃 直隸唐山人監生嘉靖九年任

步大綸 直隸廣德人監生嘉靖十二年任沉静簡默  
卒于官士甚惜之

馬九思 直隸新樂人監生嘉靖十二年任

杜岐 直隸興濟人監生嘉靖十八年任

楊祿 直隸棗強人監生嘉靖十九年任

時中 曰師儒之責重矣考之舊志未有稱賢于郇

列之名宦者質之士論 則又蹟蹟道其師之賢其  
也文某也行某也能教是

豈土風之厚各阿其所好耶抑舍短求長亦  
自有足錄耶子也罔知采而志之為師勸焉

巡檢

何榮 浙江平陽人吏員成化十六年任

戴良 直隸寶應人吏員成化十八年任

楊茂 山西襄垣人吏員成化十九年任

王亮 山西黎城人吏員弘治五年任

淦澐 陝西城固人吏員弘治十一年任

門誠 順天昌平人吏員弘治十三年任秩滿去

師表 山西和順人吏員弘治十六年任秩滿去

上 四十四

邢本 直隸雄縣人吏員正德二年任

李雄 陝西富平人吏員正德四年任

趙本 陝西華陰人吏員正德七年任秩滿去

孫彪 直隸固安人吏員正德十年任秩滿去

楊釗 陝西狄道人吏員

王景 直隸交河人吏員嘉靖七年任

周天錫 直隸鹽山人吏員嘉靖十年任

陳彥經 山西渾源人吏員嘉靖十四年任

李宗祿

直隸曲陽人吏員嘉靖十七年任

陰陽學訓術

王斌

王剛

許繼祖

時來

于鯨

醫學訓科

上

四十五

張齡

劉崇

潘仁

公署志

民非官弗治官非署無以出治古之君子居其位  
則思業乎其官不業其官而居其位則亦奚以署  
爲也是故行臺駐節當妙過化之神廳壁題名當  
存去思之愛爰志公署

署舍

**縣治**舊在城西北隅洪武間主簿葉宗文以推官劉源宅改今治天順間知縣薛正重脩其制中爲正堂五間扁曰牧愛堂堂之後爲穿廊廊之北爲後堂規如正堂又北爲知縣宅穿廊之東少北爲書房西爲翼房堂之東爲鑾駕庫三間又東爲縣丞宅宅之陽爲典史宅堂之西爲幕廳三間廳之西爲二主簿宅二宅之陽爲吏廨爲馬房堂之南爲戒石亭東爲吏戶禮房爲承發司爲架閣庫凡九間西爲兵刑工房爲馬科規如東亭之南爲儀門三間儀門之東爲土地祠西爲獄舍南爲大門大門之外東西爲榜棚南爲屏又南東爲旌善西爲申明亭焉

**察院**行臺在縣治東洪武間縣丞陳榮建天順間知縣薛正成化間知縣張恕弘治間知縣鄭陽繼脩其制正堂五間後堂如之穿廊厨舍吏舍左右

隸舍各三間儀門大門如之外官廳三間

**布政司**行臺在察院東正統四年建成化二十一年知縣張恕脩嘉靖十六年春左右隸舍圮

時中

葺之其制如察院

**太僕寺**行臺在布政司東宣德六年建成化間主簿楊祥脩嘉靖七年圮嘉靖十三年知縣劉鑾建後堂五間翼房三間堂隸舍儀門皆闕有司欲葺之時絀未遑焉

上

四十七

**府署**在縣治西南天順間知縣薛正建成化間縣丞蘇文重脩其制正堂三間後堂五間厨舍吏舍東西隸舍各三間儀門大門如之屏一左爲官廳三間嘉靖壬辰知縣劉鑾改爲惠民藥局

**理河廳**在縣治西四十里主簿治河處也成化十七年帶管河道典史黃詡奉檄創建正德元年主簿惠鳳嘉靖六年主簿李晉陽繼脩中爲正廳三間北爲後廳南左右爲廂房各如之儀門一間左

右角門大門亦如之廳之左爲主簿住宅右爲廠  
椿草貯焉

**裴家圈巡檢司**在縣治西四十里正統二年建歲  
久圯嘉靖十七年巡檢李宗祿重建官廳三間左  
右廂房殺之儀門一座左右角門大門各如之左  
爲住宅大小房凡十間右爲監房二間以禁盜焉

**陰陽學**在縣治東街西洪武十七年設嘉靖十一  
年知縣劉鑾脩正廳三間前房如之

東西五步南  
北六十二步

上 四十八

**醫學**在縣治南街西洪武十七年設正德八年知  
縣鮑龍脩正廳三間耳房殺之

東西八步南  
北二十五步

鋪舍

**總鋪**在縣治街南舊在縣東街北正德元年知  
縣張翰毀尼姑寺建今鋪官廳三間門一  
座鋪司一人  
兵夫九人

**郭家鋪**在縣治東南十里郵亭一座官廳三間左  
右廂房如之門一座鋪司一人兵四人達  
路高唐

**齊家鋪**在縣治東南三十里制如郭家鋪加牌  
坊且宏廠焉司兵數亦如之達高唐路

挹清鋪

在縣治西二十五里官廳五間左右廂房各三間門一座鋪兵二達臨清路

八方塔鋪

在縣治西北二十五里制司臨兵數各如齊家鋪達武城路

迎恩鋪

在縣治東北三十里制司兵如挹清鋪達恩縣路已上郭家齊家八方塔三鋪創

建莫考而挹清迎恩二鋪則嘉靖壬辰知縣劉鑾創建典史楊達與有勞焉

時中

曰鋪之設以傳命也夏津舊為山東靜縣鋪

惟四上之達於下則自高唐而齊家郭家以會于總鋪或之武城下之達於上則自總鋪而郭家齊家以達之高唐武城亦然未有達之臨清達之恩

上

四十九

者也邇者往來京師取道夏津遂為南北要衝故挹清迎恩二鋪專於送迎而傳命不與焉嗚呼送迎之途啓而夏津之民疲矣不有變計而深為之所民力何時其可紓乎

小鋪十有九

高唐路四

臨清路四

恩縣路五

武城路四

清平路二

已上每五里一設廳房三間土墩一座蓋

專於防禦云

淺鋪八

趙貨卽口鋪

裴家圈鋪

新開口鋪

草廟鋪

郝家圈鋪

橫河口鋪

小口子鋪

大口子鋪

已上淺鋪在衛河東岸北抵武城南抵臨

清界去縣治四十里嘉靖甲午主簿米應元奉檄脩每鋪廳房三間左右廂房如之門屏各一座牙墻二扇土臺一座高五丈周圍六丈嘉靖丙申主簿胡尚仁脩增井亭一座磚井一眼民稱便焉

學校志

上

五十

惟后非賢罔乂惟賢非學亦罔克成學校者育賢之地而乂之基也所關不既重哉是故訓迪之功存乎師儒提調之責存乎有司至其所以自勵以底于成者則又存乎士三者相須以相成也爰志

學校

儒學

**學**在縣治東舊在今學前金大定間建元至元間縣尹魏斌脩至正間邑人劉元素重脩王仲置學

田百畝無今元末兵燬

國朝洪武間縣丞陳榮葺之天順間知縣薛正改建  
今學弘治間知縣張璈增脩嘉靖壬午知縣賈真  
儒坊育賢合祠鄉賢名宦甲午知縣劉鑾亭敬一  
箴祠啓聖公未訖去戊戌春時中新號舍別祠名  
宦學之規制蓋漸備云

**廟制**先師廟五間東廡十二間西廡如之南戟門  
九間又南櫺星門三間東西兩廡之南角門各一

上

五十一

廟之東北祠啓聖公南祠名宦又南祠鄉賢各三  
間

**學制**中爲明倫堂三間堂之前東爲進德齋西爲  
脩業齋各如之南爲儀門儀門之東爲敬一箴亭  
直南磬折而西又南爲大門亦如之堂之北爲教  
諭宅西爲二訓導宅東北爲講堂號舍凡十七間  
嘉靖戊戌時中建也

時中曰學校設矣而士弗成厥咎何居曰師儒師

儒之訓迪嚴矣而士弗成厥咎何居曰有司有司之提調至矣而士弗成厥咎何居曰士夫士弗求成則雖居之以蘇湖臨之以龔黃卓魯其孰與成吾故曰三者相湏以相成也其交勗哉

**社學**在縣治南總鋪之西三間外為門周以垣焉

在鄉制如之

順化鄉四

張里長徐里長許官淡官四屯

各一區

智遠鄉二

孫生店八方塔

各一區

上

五十二

孝南鄉三

建文庄韓家庄小張官屯

各一區

孝北鄉二

朱全屯鄭保屯

各一區

豐稔鄉二

卞官屯張官屯

各一區

已上地各一畝

時中

曰此古閭巷之學也聖賢坯樸已造於此矣人才何患其不盛今之學豈其然乎是故小學書不得不作而凡學小學者不可不讀也

選舉志

志選舉何古也今之選舉非古之選舉也而古之

何法無古今顧選之者何如耳選以陳群則雖復成周選舉之舊而上無寒門下無勢族法亦今也選以敬輿則雖循近代科舉之制而門皆將相榜稱龍虎法亦古也是故匪明匪公重嗟無材之嘆其亦誣古也已

進士

前代無考

**金明昌二年劉濤**

字及之用戶部尚書孫鐸薦入翰林院歷太原運副汾州倅入為太

上

五十三

子贊善以彰德治中致仕尋卒征南節度康塘良輔葬諸林慮之寶嚴有詩五首傳于世

國朝

永樂

乙未科曹傑

戶部主事

戊戌科陳哲

博野知縣詳人物志

成化

壬辰科王雄

刑部主事詳人物志

丁未科朱應昌

訓導王之子元城知縣陞浙江道御史詳人物志

鄉貢

前代無考

國朝

洪武

乙未科張

敏

後軍都督府都事

壬午科陳

鼎

晉府長史

永樂

乙酉科劉

銳

東安學訓導

上

五十四

辛卯科商

楫

葭州學訓導

甲午科李

擴

東鹿學訓導

劉

恭

確山學訓導

王

範

尉氏學訓導

癸卯科霍

毅

福州府稅課局大使

宣德

丙午科王

綱

宜川學訓導

景泰

庚午科朱玉  
蕪湖學訓導

丙子科王昞  
尉氏學教諭

天順

壬午科朱衡  
王之弟林縣知縣

張明  
壽昌縣知縣

成化

甲午科王夢賢  
椎縣知縣

弘治

乙卯科張鉞  
葭州知州

戊午科高崇  
武陟縣知縣

嘉靖

壬午科范濟  
州判希俊之子沅州知州

乙酉科王鵬齡  
縣丞廷俊之子

庚子科潘龍  
鮮元


姜贊化  
蘭之子

劉維藩  
世魁之子

國朝

前代無考

歲貢  
例貢附



洪武

庚辰年魏

敬

甘州左衛經歷

壬午年張

隆

廣平府照磨

永樂

甲午年楊

鵬

上橫知州

丙午年韓

麟

工科給事中

戊子年孟

堪

鴻臚寺序班

庚寅年李

綱

陝州知州

上

五十六

壬辰年蘇

明

撫寧知縣

甲午年高

儀

北城兵馬司指揮

丙申年李

彝

鴻臚寺序班

戊戌年朱

瞻

崇德主簿

庚子年張

昭

長陵衛經歷

壬寅年杜

恭

大興左衛經歷

甲辰年陳

立

嵩縣千戶所吏目

宣德

丙子年孫懋 中城兵馬司指揮

戊申年閻鼎 寶坻主簿

庚戌年董雒 光祿寺署丞

壬子年劉敬 長安主簿

甲申年許昶 蒲城知縣

正統

丙申年吳壽 懷來衛經歷

戊午年王琰 遵化學訓導

上 五十七

庚申年李寧 保安衛千戶所吏目

壬戌年劉端 武功右衛經歷

甲子年房寬 沅州吏目

丙寅年王建 鴻臚寺鳴贊

戊辰年孔矩 蘄府典儀

景泰

庚午年賈禎 隆平典史

壬申年鄭謙 蒲州吏目

甲戌年王靜  
平涼縣丞

丙子年張安  
淮府引禮

天順

戊寅年李貴  
常熟縣丞

庚辰年曹芳  
鞏縣主簿

壬午年遲皞  
鳳翔府照磨

甲申年李庚  
南陽府經歷

張興

上 五十八

單信  
孟瀆河開官

黃鐘  
睢寧主簿

霍俊  
潞州倉副使

成化

丙戌年韓縉  
新城縣丞

戊子年劉昭

庚寅年孟聰  
河東鹽運司副使

壬辰年丁憲  
忻州吏目

甲午年宋 輝  
虞城學訓導

丙申年李 璋  
溫縣主簿

戊戌年高 岡  
太原府檢校

庚子年許 謹  
西安府經歷

壬寅年宋 鑑  
岢嵐學訓導

甲辰年耿 賢  
靈川主簿

丙午年王 倖  
四川芒部軍民府經歷

弘治

上 五十九

戊申年宋 錫

庚戌年張 瑁  
南陽學訓導

壬子年劉 玆  
息縣主簿

甲寅年王德謙

丙辰年張 翔  
陝西徽州吏目

丁巳年趙 達  
池州府照磨

戊午年孫崇禎  
潞州判官

己未年崔 錦  
東明縣丞

庚申年郭仲寬

胙城主簿

壬戌年宋時

甲子年劉良

正德

丙寅年張謙

山陰學訓導

戊辰年尹好學

固安縣丞

庚午年竇克齊

易州判官

壬申年戴盛

平山學訓導

上

六十

甲戌年范希俊

平定州判官

丙子年王益

洧川學訓導

戊寅年劉璉

未仕而卒

己卯年郝義

遼東都司武學訓導

辛巳年夏天爵

嘉靖

壬午年夏天祿

天爵之弟灤州判官

癸未年王廷俊

上海縣丞

于 珣 曲沃學訓導

丙戌年姜 鴻 密雲學訓導

戊子年王 華

庚寅年王世臣 雄縣學訓導陞真定學教諭

壬辰年蔣廷瓚

癸巳年劉 相

甲午年張翰弼

丙申年姚 卿

上 六十一

戊戌年王秉彝 德謙之子寧國府學訓導

己亥年王 豆 益之子

庚子年王文昌 益之從子

正德 例貢

戊辰年于 璋 未仕而卒

侯世寶

劉永濂 南昌府檢校

郝存仁 四川守禦千戶所吏目

于 珣 曲沃學訓導

丙戌年姜 鳩 密雲學訓導

戊子年王 華

庚寅年王世臣 雄縣學訓導陞真定學教諭

壬辰年蔣廷瓚

癸巳年劉相

甲午年張翰弼

丙申年姚卿

戊戌年王秉彝 德謙之子寧國府學訓導

己亥年王豆 益之子

庚子年王文昌 益之從子

辛丑年苑綸

郝存仁 四川守禦千戶所吏目

丁丑年别天叙

張尚賢

劉世英

于鳳

乙酉年孫堂

未仕而卒

于鯤

丁酉年王納言

庚子年李志仁

宋卿

潘紱

于懋德

于懋中

李如桐

辛丑年岳景新

惠政志

上

六十二

天地之仁有不及帝王之仁有以濟之曰備荒曰醫藥曰養孤曰義瘞夫天地不能使歲之不荒使民之不疫使生之有告而死者有歸者天地之仁有不及也而備之醫之養之瘞之帝王之仁有以濟其不及也嗟夫此帝王之世所以無弗獲之民也有司徃徃視爲末務而不之急是豈仁人君子之用心也哉故特表而志之以爲有司告

**預備倉**在縣治北宣德間建于各鄉正統三年廢

天順八年知縣薛正改建今地成化十七年知縣張恕嘉靖十年知縣程良十一年知縣劉鑾十六年<sup>時中</sup>相繼增脩大門三間北向內分二區**東區**

官亭一座亭之東廡房十三間西九間南北各七間外門樓一座**西區**官亭南北廡門樓各如東惟

東廡十有四間西廡十有五間視東有加焉歲貯

粟穀萬有四千餘石以備賑濟

共地二十二畝九分四釐**水次倉附**

水次倉在衛河南岸去縣治四十里成化二十二

上

六十三

年知縣張恕建嘉靖十六年

時中

重脩大門三間

內官廳五間爲官交兌之處東西廡各九間南廡六間歲收粟米以兌軍焉

**養濟院**在縣治北舊在縣治東南洪武七年主簿

艾文敬建成化十一年知縣姚賢徙今地覆屋以

茅正德八年知縣張翰易茅以瓦嘉靖丁酉

時中

葺之己亥春北房燬復葺之北房七間中一間爲官存問處東西房各五間門樓一座牌坊一座曰

養濟院凡民之無告者衣食其中病有藥死有棺

焉 東西二十一步南北二十  
三步共地二畝一釐三毫

**惠民藥局**在府館之左舊為官廳嘉靖十四年知

縣劉鑾改今局堂三間門一座 東西七步南北三  
十六步共地一畝

五  
釐

**義塚即漏澤園**在今拱宸門外西北隅民之死無

歸者瘞焉成化十有八年知縣張恕建 東西二十  
步南北四

十八步共  
地四畝 在鄉亦有之

上

六十四

順化鄉五

張里長屯徐里長屯許  
官屯淡官屯坊廓里

智遠鄉一

孫生  
店

孝南鄉一

小張  
官屯

孝北鄉二

朱全屯  
鄭保屯

豐稔鄉一

周官  
屯

祀典志

國之大事曰祀以禮而祀有壇壝焉以義而祀有  
祠廟焉禮義行而幽明之道備是故君子盡人以

合天也理明以格幽也政莫大焉庸敢不自致乎

爰志祀典

**先師廟**每歲春秋仲月上丁日釋奠

先師孔子

舊稱至聖文宣王嘉靖庚寅改正撤像易以木主

四配

舊稱國稱公今

曰某聖某子

十哲

次于四配亦稱曰先賢某子

東廡澹臺滅明以下

五十人西廡宓不齊以下五十三人

**七十二子**今稱先賢某子

春秋以來諸儒今稱先儒某子**增祀**后蒼王通歐陽脩胡瑗四人**黜**申黨公伯寮秦冉顏何荀况戴聖劉向賈逵馬融何休王肅王弼桂預吳澄十三人以林放蘧瑗鄭衆盧植鄭玄服虔范甯七人各

上

六十五

祀于其鄉

其祭品祭器祭禮暨月朔望晨叅如制

**啓聖公祠**奉

今上皇帝制祀啓聖孔公以先賢顏無繇曾點孔鯉

孟孫氏配先儒程垵朱松蔡元定從祀於春秋上

丁日先舉焉

**名宦祠**祀名宦志所載隋楊善會以下凡十二人

**鄉賢祠**祀人物志所載元魏朝崔光以下凡十一

人

**社稷壇**在西成門外少北中為壇方二丈五尺高

三丈西為齋宿所為神厨庫舊為門于南直神之

背今改而西南直北而東盖神主北向故也歲春秋仲月

上戊日祭之如制東西四十二步南北三十三步共地五畝七分七釐五毫

**風雲雷雨壇**在迎薰門外少西規如社稷舊為門

于北直神之背今改而南盖神主南向故也歲春秋仲月

上巳日祭之如制東西四十三步南北三十六步共地六畝四分五釐

**邑厲壇**在拱宸門外少東規如社稷歲春三月清

上 六十六

明秋七月望冬十月朔祭之如制東西三十五步南北二十

五步共地三畝六分四釐六毫已上三壇俱洪武間縣丞陳榮建天順間知縣薛正成化間知縣

張恕脩歲久垣墉圯嘉靖戊戌時中脩

**鄉厲壇**嘉靖元年知縣賈真儒建每里一所各祭

其里無祀鬼神期同邑厲

**城隍廟**在縣治東南洪武間建天順間知縣薛正

弘治間知縣宋鐸脩嘉靖戊戌時中重脩有堂有

寢室有東西廊有重門門外之西瀕街有坊凡縣

學官朔望行香如儀水旱疾疫祈禱其中春秋享

于壇祀東西一十八步半南北五十二步共地四畝三釐

**馬神廟**在太僕行臺之左肇創未詳嘉靖戊戌時

中新之堂三間抱廈一間門一座歲春秋上戊日

祭以牲牢祈馬東西六步南北一十三步共地三分三釐三毫

**八蜡廟**在縣治北有堂有門歲如祭馬神期祭以

牲帛祈年蝗作亦祈東西一十九步南北六十二步共地四畝九分八毫

脩武志

志脩武何春秋傳曰天生五材民並用之誰能去  
兵兵之設所以威不軌而戒不虞也是故民有兵  
也牧有馬也軍雖隸于德州而屯于郟亦足以爲  
吾之衛也雖然有兵不練與無兵同有馬不蕃與  
無馬同有屯不馭與無屯同則夫所以練之蕃之  
馭之者其可一日不講哉是故志脩武

民兵

快手二十名司捕

民壯一百五十五名司守

弓兵二十五名司緝

**教場**在挹陽門外有演武廳有將臺有射侯有轆

門有武備坊縣委佐貳官一員歲時合快壯教閱

其中以防寇盜

東西五十六步三分三釐南北一百六十一步半共地三十七畝九

分八毫

### 馬政

額養兒馬五十匹

上 六十八

騾馬二百匹

群長五人醫獸五人

歲春秋徵大馬各二十五匹以備軍用

牧馬草場四處

東草場地三畝

在城東張官屯

南草場地四十六畝

在城西少南漢王廟

西草場地一頃三十九畝

在城西少北董官庄

北草場地五十五畝

在城北岳家庄舊止牧馬今給民佃種歲輸租銀

九兩六錢二分

軍屯

德州左衛撥軍  
耕種凡九處

楊彬屯

縣西北一十五里

楊清屯

縣西二十五里

張廣屯

縣西三十里

晉敬屯

縣西二十五里

褚傑屯

縣西二十五里

楊茂春

縣西二十五里

党興屯

縣西南三十里

黃政屯

縣西南三十里

趙名屯

縣西北一十五里

上

六十九

